

“O A’u Nei le Ala, ma le Upumoni, ma le Ola”

TUSI LESONA SEMINARE O LE FEAGAIGA FOU

O Iesu Keriso o “le ala, ma le upumoni, ma le ola” (Ioane 14:6)

Faitau le Ioane 14:1–6, ma vaavaai pe na faapefea ona folafola atu le Faaola e fesoasoani ia i latou o e mulimuli ia te Ia.

- O a upumoni na aoao mai e le Faaola i nei fuaiupu?
- O a ni igoa na ta’u ai e le Faaola o Ia lava i le fuaiupu e 6?
- O a ni mea ua aoao mai e nei faalagiga taitasi ia te oe e uiga ia Iesu Keriso ma lou sootaga ma Ia?

Afai na e fatuina se lisi o faalagiga ma matafaioi eseese a Iesu Keriso i lesona talu ai, atonu e te manao e faaopoopo i ai mea na e maua i le Ioane 14. E mafai e le Tusi a Mamona ona faateleina lou malamalama i mea o loo e suesueina i le Feagaiga Fou. Faitau le Mosaea 3:17 ma mafaufau pe faapefea ona fesoasoani leni fuaiupu ia tatou malamalama atili ai i le Ioane 14:6. Sa aoao mai Peresitene Dieter F. Uchtdorf, a o i ai i le Au Peresitene Sili:



E finagalo le Atua ia e maua lou ala e toe foi atu ai ia te Ia, ma o le Faaola o le ala lava lea [tagai i le Ioane 14:6]. E finagalo le Atua ia e aoao e uiga i Lona Alo, o Iesu Keriso, ma mauaina le filemu loloto ma le olioli lea e oo mai i le mulimuli i le ala o le aveai ma soo paia. (Dieter F. Uchtdorf, “Mauaina o se Molimau o le Malamalama ma le Upumoni,” *Ensign* po o le *Liahona*, Nov. 2014, 21)

- O anafea na oo ai ia te oe, po o se tasi e te iloa, le filemu loloto ma le olioli lea e maua mai i le mulimuli ai ia Iesu Keriso?

Ina ia vaai i se faaitaiga o se tasi na mauaina le Faaola ma sa faamanuiaina e ala i le mulimuli ia te Ia, pe a mafai, matamata le ata “O Iesu Keriso o le Ala” (5:02), o loo maua i le ChurchofJesusChrist.org.

- O a nisi o auala e mafai ona tatou mulimuli ai i le Faaola i le toe foi atu ai i le Tama Faalelagi?
- E mafai faapefea ona tatou iloa pe o tatou i ai i le ala sa’o?

O LE EKALEZIA A
IESU KERISO
O LE AU PAIA O ASO
E GATA AI

O Iesu Keriso o le vine (Ioane 15:5)

Sa faaoga e Iesu Keriso se faatusatusaga e aoao ai Ona soo e uiga i lo latou sootaga ma Ia. Faitau le Ioane 15:1–11, ma vaavaai mo leni faatusatusaga. Afai na e fatuina se lisi o faalagiga ma matafaioi eseese a Iesu Keriso i se lesona talu ai, atonu e te manao e faaopoopo i ai mea na e mauaina i le Ioane 15.

- O le a sou manatu i le mea o loo aoao mai e Iesu Keriso i leni faatusatusaga?
- O a upumoni e mafai ona e aoaoina mai leni faatusatusaga e uiga i la tatou sootaga ma Iesu Keriso?

Na faamalalama mai e Elder Jeffrey R. Holland o le Korama a Aposetolo e Toasefululua e faapea, o le valaaulia a le Faaola ia tumau ia te Ia o se valaaulia mo i tatou “ia tumau, ia . . . tumau *e faavavau*” (“Ia Tumau ia te Au,” *Ensign* po o le *Liahona*, Me 2004, 32). Sa faamalalama mai e Elder Holland le mafuaaga e taua tele ai mo i tatou le taliaina o le valaaulia a le Faaola e tumau ia te Ia. Atonu e te manao e matamata le vitio “Ia Tumau ia te Au” mai le faailotaimi 13:26 i le 14:23, pe faitau le faamatalaga leni.



Na fetalai Iesu, “E le mafai e outou ona faia o se mea e tasi pe a a’u le i ai” [Ioane 15:5]. Ou te molimau atu o le upumoni lena a le Atua. O Keriso o [se faamoemoega] o mea uma ia i tatou ma e tatau ona tatou “tumau” e le uma ia te Ia, ia mausali, e le liua, e faavavau. Mo le fua o le talalelei ia fua tele ma faamanuiaina ai o tatou olaga, e tatau ona tatou pipii mau atu ia te Ia, le Faaola o i tatou uma, faapea ma leni, o Lana Ekalesia, lea o loo tauaveina Lona suafa paia. O Ia o le vine o le faapogai moni o le malosi ma na o le pau lea o le faapogai o le ola e faavavau. E le gata o le a tatou tumau ia te Ia ae o le a tatou malo ma manumalo i leni savali paia lea o le a le faatoilaloina lava i tatou. (Jeffrey R. Holland, “Ia Tumau ia te Au,” *Ensign* po o le *Liahona*, Me 2004, 32)

E mafai ona fesoasoani le Tusi a Mamona ia te oe e faateleina lou malamalama i mea o loo e suesueina i le Feagaiga Fou. Faitau le Alema 26:12, ma mafaufau pe faapefea ona fesootai i le Ioane 15:1–11.

- O a nisi o fua (taunuuga po o faamanuiaga) ua e vaaia i lou olaga a o e taumafai e tumau ia Iesu Keriso?
- O a nisi o faatinoga e mafai ona e faia e fesoasoani ia te oe e tumau ai ia Iesu Keriso?